

jüngen Folczschen wyder statunge thun umbe syne smerczen und leinde, die er von em enphangen hat, noch erkenthenisze bedirwer lute und nach gnade und dar an wollen sie em gutlichen thun das selbige syne^{a)} frunde Hansel Jacoff etc. von synen globet haben. Actum anno domini MCCCCXIX^o sabbato oculi etc.

a) am linken Rand, Einfügestelle gekennzeichnet

307.

1419 April 1

Nickel Lasan bekennt eine Schuld.

fol. 45v ^{a)}Wisset das Nickel Lasan drissig guldin inne hat, di Andreas Brünen kinden sint. Die selbigen sal er innen habin drie jar. Wenn dy dry jar uzgehin, wem sy denn das kint heysen antworten, dem sal er sy antworten. Were abir sache, das das kinth abe ginge von thodes wegen, so sol er das gelt antworten Andreas Brunen, syme vater, adir synen erbin etc. Actum anno MCCCCXIX^o sabbato ante judica.

a) alles durchgestrichen

308.

1419 Mai 13 (29)

Tylman bekennt eine Schuld und verpfändet seine Haus und Hof.

fol. 45v ^{a)}Wisset das Tylman am nydern Steynwege Hansz Knorren schuldig ist 7 ½ ß nuwer groschzen zu beczalin uff unser lieben frauwen tag leczer czweyn schock, uff wynachten dry ß, uff ostern 2 ½ schock an verczog unde an allen synen schaden, do vor hat er em ingesaczt syn hūz und hōff erbe unde guter, das er sich dar an vor ydermenlichen syns geldes erholin sal. Actum anno XIX^o sabbato cantate etc.

a) alles durchgestrichen

309.

1419 --

Die Stadt verleiht Geld.

fol. 46r Wisset das wir geligen habin dem nūwen setelere 3 fl uff syn geczūg. Actum anno domini etc. XIX^o etc.